

Naalakkersuisut suleriaasiat pillugu Namminersorlutik Oqartussat nalunaarutaat

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersumi § 23, imm. 1 naapertorlugu, makkua aalajangersarneqarput:

Kapitali 1

Aqqissugaaneq allaffisornerlu

§ 1. Pisinnaatitaaffit, Naalakkersuisut Inatsisartut inatsisaat malillugu suliassaqartitaapput, imaluunniit naalakkersuisunut ilaasortaq aalajangersimasoq inatsisartut inatsisaatigut, landstingip inatsisaatigut imaluunniit inatsisartut peqqussutaatigut suliassaqartitaavoq, Naalakkersuisut Namminersorlutik Oqartussat inatsisinik atuutsitsineranni oqartussaaffimmik suliassaqartitaasutut isigineqarput.

Imm. 2. Kapitali 2-mi malittarisassat naapertorlugit pisinnaatitsissutit imm. 1 malillugu Naalakkersuisunit aalajangiunneqassapput, Naalakkersuisunit imaluunniit Naalakkersuisut Siulittaasuannit immikkoortumi aalajangersimasumi erseqqarinnerusumik Naalakkersuisoq nammineerluni aalajangiinissamut piginnaatinneqarsimannngippat, takuuk kapitali 7.

§ 2. Naalakkersuisut Siulittaasuata Namminersorlutik Oqartussat suliassaqarfinut akisussaaffimmik Naalakkersuisunut ilaasortanut agguassinerata nassataraa, Naalakkersuisut ataasiakkaatut akisussaaffimmik iluanni pisussaaffeqarnerat, politikkikkut najoqqtassat, Naalakkersuisunit akuersissutigineqartut, inatsiseqarnikkut aamma Inatsisartunit Naalakkersuisunillu najoqqtassat atuuttut naapertorlugit politikkikkut ineriarornermi suliniuteqassallutik.

Imm. 2. Aammattaaq Naalakkersuisut tamarmik immikkut ataasiakkaarlutik Naalakkersuisuni aalajangiinernut isummernissamut tunngavissiat pisariaqartut suliarinissaannut akisussaaffeqarput.

§ 3. Naalakkersuisut allaffeqarfimmit ingerlatsivimmit immikkoortutut aaqqissugaasumit ikiuuffigineqassapput, Namminersorlutik Oqartussani ataatsimoortutut sulisunit ataasiakkaanik atorfefqartitaasunit. Naalakkersuisup ataani atorfinititsinermut oqartussaasup, Naalakkersuisut allaffeqarfiani ingerlatsinerup iluani akisussaasuuusup, sulisut atorfinititsitaanerannut atugassarititaasuni suliffiup sumiiffianut il. il. nalunaarutiginissa pillugu najoqqtassat erseqqarinnerusut aalajangersassavai.

Imm. 2. Atorfinititsinermut oqartussaasoq, takuuk imm. 1, Namminersorlutik Oqartussat sulisuunik atorfinititsinissamut, allamut nuussinissamut soraarsitsinerpullu pisinnaatitaaffeqarpoq. Ataasiakkaanut atorfefqarnermi pissutsinik pingaaruoteqartunik aalajangiiffiusuni sulisup pineqartup atorfilittut suliffiani pisortanit oqaaseqaammik atorfinititsinermut oqartussaasoq piniassaaq. Naalakkersuisoqarfinni pisortanik pisortanillu atorfinititsinerit soraarsitsinerillu pillugit aalajangiinerit kapitali 2-mi aalajangersakkat malillugit Naalakkersuisunit aalajangerneqartassapput.

Imm. 3. Sulisunut tunngatillugu Pisortat ingerlatsineranni suliassat suliarineqartarnerat pillugu

Inatsisartut inatsisaat allatigut atuuppoq. Paassisutissat, sulisunut pissutsit tunngassuteqartut, ingerlatsinermut oqartussaasumut atorfinititsisumut ingerlateqqinnejarsinnaapput, takuuk Inatsisartut Inatsisaanni § 28, imm. 2 aamma 3.

Imm. 4. Imm. 1 apeqquatainnagu naalakkersuisoqarfitt akornanni imaluunniit naalakkersuisoqarfip ataatsip taassumalu ataani oqartussaasut allaffigeqatigiinnerit immikkoortortaqarfitt assigiinngitsut oqartussaasup ataatsip iluani allaffigeqatigiinnertut isigineqassanngillat, takuuk Pisortat ingerlatsinerat pillugu paasitinnejarsinnaatitaaneq pillugu Inatsisartut inatsisaanni § 7.

§ 4. Naalakkersuisuni aalajangiiffigisassat piareersarnerinut suliaqartussamik ataatsimiitaliamik Naalakkersuisut pilersitsisinnaapput. Tassa Naalakkersuisut aalajangiineri naammassiniarlugit naalakkersuisoqarfitt arlallit suliaannik ataqtigissaarisussamik imaluunniit ataatsimiitaliamik suiliassanut aningaasaqarnikkut pingaruteqartut suliarinerinut ataqtigissaarisussamik ataatsimiitaliamik pilersitsisoqarsinnaavoq,

§ 5. Naalakkersuisut aalajangiisinjaassuseqarput ikinnerpaamik ilaasortat affaat ataatsimiinnermi najuuppata. Taamatut ataatsimiinnerit pisariaqartitsineq malillugu aaqqissuunnejarsinnaapput, ilaasortaq ataaseq amerlanerusulluunniit oqarasuaatikkut videookkullu ataatsimiinnermut atortut atorlugit peqataallutik.

Imm. 2. Taasinermi tamatigut Naalakkersuisut Siulittaasuat taaseqataatinneqassaaq.

Imm. 3. Taasisut naligiippata Naalakkersuisut Siulittaasuata taasinera aalajangiisjuussaaq.

§ 6 Immikkut ittunik pisoqassagaluarpat, Naalakkersuisut Siulittaasuat, imaluunniit taamatut pisussaaffligaasoq, Naalakkersuisunut isummernissamut tunngavissiaq tunngavigalugu siulittaasutut aalajangiisinjaavoq.

Imm. 2. Siulittaasutut aalajangiinissaq pillugu qinnuteqarsinnaaneq taamaallaat pisinnaavoq Naalakkersuisup suliassaqarfimmut akisussaasusup tapersiineratigut.

§ 7. Naalakkersuisut nalinginnaasumik ataatsimiittarput sisamanngornerit tamaasa nal. 10.00.

Imm. 2. Inatsisartuni ataatsimiinnerit nalaanni Naalakkersuisut Siulittaasuata aalajangiineratigut Naalakkersuisut akulikinnerusumik ataatsimiittarput.

Kapitali 2

Naalakkersuisuni akuersissutigineqartut

§ 8. Inatsisartut inatsisissaattut, nalunaarutissatut, akuersissutinut siunnersuutinut missingiutinut kiisalu akuersissuteqarnermut immikkullu akuersissutinut missingiutinut, suleriaatsimi aalajangersariikkami oqaasertaqartinneqangitsut, naalakkersuisoqarfimmeli suliassaqarfimmut akisussaasumit Naalakkersuisumit akisussaasumit aqunneqarlutik suliarineqassapput.

Imm. 2. Missingiut Naalakkersuisunut aalajangiiffigisassatut saqqummiunneqassaaq. Aalajangiineq siunissami allaffisornermut najoqquṭassanik erseqqarinnerusunik imaqarsinnaavoq. Matuma kingorna Naalakkersuisoq suliassaqarfimmut akisussaasusoq aalajangiisinjaavoq, takuuk kapitali 7.

§ 9. Inatsisartut inatsisissaattut nalunaarutissaannullu siunnersuutinut missingiutit kiisalu aalajangiiffigisassanut allanut isummernissamut tunngavissiat naleqquttumik annertussusilerlugit tusarniaassutigalugit Namminersorlutik Oqartussat naalakkersuisoqarfintut allanut saqqummiunneqartassapput. Aammattaq missingiut oqartussanut kattuffinnullu siunnersuummut soqutiginnissinnaasunut imaluunniit missingiutip naammassisarnerani pingarutilimmik ilisimasaqartutut isumaqarfingineqartunut oqaaseqarfingisassatut nassiunnejassaaq.

Imm. 2. Naalakkersuisoqarfik suliassaqarfimmut akisussaasoq tusarniaanermut akissutigineqartuni tiguneqartuni tusarniaanermut akissutini qanoq annertutigisoq Naalakkersuisunut isummernissamut tunngavissiamut tulluarsarlugu ilanngunneqarsimanersoq oqaatigalugu nalunaarsuinermik suliaqassaaq.

Imm. 3. Taamatut missingiut suliarineqarsimasoq Aningaasaqarnermut Naalakkersuisoqarfimmit tusarniaanermut akissummiit siunnersuutip aningaasatigut kingunerisassaak naliliinermik imalimmik ilalerlugu Naalakkersuisunut saqqummiunneqassaaq.

§ 10. Naalakkersuisoqarfipiup suliassaqarfimmut akisussaasup naalakkersuisoqarfimmik ataatsimik amerlanerilluunniit akornanni isumaqatigiinngitsoqarpat suliassaq Naalakkersuisuni suliarineqanningerani Naalakkersuisunut ilaasortat tamarmik immikkut suliamik saqqummiiffingineqassapput. Suli isumaqatigiinngitsoqarpat, naalakkersuisoqarfik suliassaqarfimmut akisussaasoq ataatsimoorussamik isummernissamut tunngavissiamik, isumaqatigiinngissutip imarisaanik allaaserinnittumik suliaqassaaq.

§ 11. Missingiut akuersissutigineqartussatut inassuteqaatitalik, Naalakkersuisut suna isummerfigissaneraat nassuiarlugu, akuersissutigineqartussap imarisai aningaasatigullu kingunerisassai eqqarsaatigalugit, Naalakkersuisunut saqqummiunneqassaaq. Aammattaaq erseqqarissumik takuneqarsinnaassaaq, naalakkersuisoqarfipiup suliassaqarfimmut akisussaasup naalakkersuisoqarfilli tusarneqartut ilaanni suli isumaqatigiinnginnejartoq, taamatullu takuneqarsinnaassaaq, oqartussaasunit, kattuffinnit il. il. malunnartumik akerliliisummik tigusaqartoqarsimappat.

Imm. 2. Taassuma saniatigut isummernissamut tunngavissiaq makkuninnga imaqassaaq.

1) Qulequtaq: Naalakkersuisut sumut qanoq isummissanersut ersarissumik nalunaarneqassaaq.

2) Inassuteqaatit: Inassuteqaat tassaavoq imarisamigut aningaasartamigullu tunngaveqartinneqartussaq, Naalakkersuisunit akuersaarneqarnissamik kissaateqarfiusoq. Taamaattumik inassuteqaat imarisamigut aningaasaqarnikkullu tamakkiisuutinnejartassaaq.

3) Aallaqqaasiut: Isummernissamut tunngavissiap siunertaa, tunngavigisaa, imarisaa Naalakkersuisullu politikkiannut ataqatigiissuteqarnera naatsumik allaaserineqassaaq. Isummernissamut tunngavissiaq aalajangersimasumik missingummik tunngaveqarpat, tamanna ilisimatitsissutigineqassaaq, suna pillugu suliassaq Naalakkersuisumit suliassaqarfimmut akisussaasumit nammineerluni aalajangiiffingineqarsinnaannginnersoq, soorlu assersuutigalugu pissutigalugu aalajangiineq suliassarpassuarnut allanut pingaaruqealersussaammat, imaluunniit pissutigalugu allaffeqarfimmil najoqqtassanik aalajangersaasoqarsimanngimmat.

4) Aningaasaqarnikkut sunniuteqaatissat: Aningaasaqarnikkut sulisorqarnikkullu sunniutaasinnaasut takussutissartaat. Tassannga takuneqarsinnaassaaq, ingerlatsinermut sanaartornermullu qinnuteqaatigineqartut aningaasaliissutit iluanni naammassinnaanersut, imaluunniit ilassutitut aningaasaliisoqarnissaanik qinnuteqartoqassanersoq. Pisumi kingullermi taaneqartumi naalakkersuisoqarfik taarsiullugu sipaarniutissanut siunnersuummik innersuussissaq. Aammattaaq immikkoortoq taanna pillugu Aningaasaqarnermut Naalakkersuisoqarfipiup tusarniaanermut oqaaseqaataata imarisai nalunaarutigineqassapput.

5) Atsiorneq: Isummernissamut tunngavissiaq Naalakkersuisumit pineqartumit naalakkersuisoqarfimmilu pisortamit imaluunniit naalakkersuisoqarfipiup pisortaanut sinniisumit atsiorneqassaaq.

§ 12. Isummernissamut tunngavissiami inassuteqaat eqqorluartumik oqaasertaliorisimassaaq, imaqarniliami Naalakkersuisut aalajangiinerattut toqqaannartumik oqaluttuareqqinnejqarsinnaassalluni.

Imm. 2. Aammattaaq nalunaarutigineqassaaq, aalajangerneq pillugu suliffeqarfimmil avataanilu

soqutiginnittut atassuteqarfingineqassammata, tusagassiutaasinjaapput, kiisalu nittartakkami tamanut saqqummiunneqassammat. Taamaattumik inassuteqaat paassisutissanik inunnut paassisutissanik mianersuuttariaqartunik paasisutissalluunniit allanut oqaatigeeqquaangngitsut pillugit imaluunniit allatut iliorluni tamanut saqqummiussinissamut naleqqutinngitsunik imaqtinnejqassanngilaq. Aalajangerneq tamanut saqqummiunneqassanngippat, tamanna isummernissamut tunngavissami takuneqarsinnaassaaq. Taamaassappat § 21-imi aalajangersakkat malillugit isummernissamut tunngavissiaq ilusilerneqassaaq Naalakkersuisunullu taamaallaat agguanneqassalluni.

§ 13. Isummernissamut tunngavissiaq, missingiut Inatsisartut inatsisissaattut imaluunniit nalunaarutissaattut siunnersuummik imalik Naalakkersuisunut saqqummiunneqarnissaa sioqqullugu Inatsisinut Immikkoortortaqarfimmut inatsisinut periutsit atorlugit misissussavaa, tassanilu takuneqarsinnaassaaq, inatsisinut periutsit atorlugit misissuinermit oqaaseqaatit, takuk aamma § 27, imm. 2.

Imm. 2. Nalunaarummut tassunga ilanngussaq isummernissamut tunngavissiap il. il. suliarienernut najoqquasanik peqqissaarussanik imaqassaaq.

§ 14. Pisuni immikkut ittuni Naalakkersuisut isummernissaannut tunngavissianut aamma ilisimatitsissutinut suleriaatsit aamma ilusissanut piumasaqaatit, takukkit §§ 11, 12 aamma 13 Naalakkersuisut Siulittaasuata akuersissuteqarneratigut, saneqqunneqarsinnaapput.

Kapitali 3

Aningaasaqarnermut Akileraartarnermullu Ataatsimiititaliamut suliassat

§ 15. Suliassat, Aningaasaqarnermut Akileraartarnermullu Ataatsimiititaliamut ingerlateqqitassatut inassutigineqartut suliassaqarfimmut naalakkersuisoqarfimmi Naalakkersuisumit akuersissutigineqareerneranni piaartumik Aningaasaqarnermut Naalakkersuisoqarfimmut qarasaasiakkut allaganngorlugit nassiunneqassapput.

§ 16. Isummernissamut tunngavissiaq, malitsigitillugu Aningaasaqarnermut Akileraartarnermullu Ataatsimiititaliamut akuersissutigisassatut saqqummiunneqartoq, missingersuutit pillugit inatsit aamma missingersuusiornermut malittarisassat naapertorlugit imatut ilusilersorneqassaaq:

- I) Aallarniutitut paasisutissanik imaqtinnejqassaaq, susassaqarfiup sorliup siunnersuut saqqummiunneraa, siunnersuutip qanoq iliuuseqarfingineqarnissaata suussusia, aningaasartuutit katinneqarnerat imaluunniit ukiumoortumik aningaasartuutit iliuuseqarfingineqarnissaanut kiisalu ukiumut aningaasaliiffiusussamut aningaasartuutit sunniuteqaatissaat. Aamma isertitani tamanna atorpoq.
- 2) Suliamik saqqummiussaqarneq atuisinnaanermut siunertarineqartoq pillugu peqqutaasumik atuisinnaanerullu immikkuualuttortaannut nassuaammik imaqtinnejqassaaq. Aammattaq suliamik saqqummiussaqarneq aningaasartuutinut assigiinngitsunut assigiinngiaartinnejqassaaq kingornalu immikkut paasisutissanik piumasaqaateqartitsissalluni. Pissuseqataa isertitani atorpoq.
- 3) Aningaasaliissutit allanngortinnissaat pillugit inassuteqaatsinut aningaasanut inatsisissami atuisinnaanermut siunnersuutigineqartumut aningaasaliissuteqarnissap utaqqisinneqarsinnaannginneranut peqqutaasut nassuaatigineqassapput.

§ 17. Aningaasaliinissanut nutaanut allanguutinulluunniit suliassat Aningaasaqarnermut Akileraartarnermullu Ataatsimiititaliamut nassiunneqartinnagit tamatigut Naalakkersuisuni suliariineqqaartassapput.

Imm. 2. Suliaq Aningaasaqarnermut Akileraartarnermullu Ataatsimiititaliamut nassiunneqartussatut

aalajangiunneqassappat, Naalakkersuisut Siulittaasuata Naalakkersuisoqarfianit ataatsimiinneq naammassineqarniariartoq allakkatigut nalunaarutigineqartoq tunngavigalugu atortussat kalaallisut danskisullu Aningaasaqarnermut Naalakkersuisoqarfimmuit nassiunneqarnerat suliassaqarfiup qinnuteqartup isumagissavaa. Tamatuma kingorna Aningaasaqarnermut Naalakkersuisup Naalakkersuisut sinnerlugit suliaq Aningaasaqarnermut Akileraartarnermullu Ataatsimiititaliamut nassiutissavaa.

§ 18. Suliat Aningaasaqarnermut Akileraartarnermullu Ataatsimiititaliamti isertuussassatut oqaluuserineqartussat, suliaq isertuussassatut suliarineqarnissaa sooq kissaatigineqarnersoq tassunga tunngavilersuutigineqartoq allanneqassaaq.

Imm. 2. Isummernissamut tunngavissiaq isertuussassatut suliarineqassappat, tamanna Naalakkersuisunut isummernissamut tunngavissiaq qulequttami allanneqassaaq.

Kapitali 4

Naalakkersuisunut ilisimatitsissutit

§ 19. Naalakkersuisunut ilisimatitsissutit suliassaqarfimmi pineqartumi Naalakkersuisut ilaasortaannit naalakkersuisoqarfimmilu pisortamit ataatigut atsiorneqartassapput, qulequtserneqartassallutillu erseqqissumik naatsumillu, Naalakkersuisut sunik ilisimatinneqassanersut. Aammali Naalakkersuisunut isummernissamut tunngavissiap ilusilersorneranut najoqqtassat malinnejeqassapput, takuuk § 11.

Imm. 2. Naalakkersuisut ataatsimiinnerinut oqaluuserisassanut ilisimatitsissutit ilanngunneqassapput ataatsimiinnermilu atortussat allat peqatigalugit agguanneqassapput. Ataatsimiinnerni ilisimatitsissutit suliarineqassanngillat, kisianni Naalakkersuisut ataatsimiinnerinut imaqarniliani nalunaarutigineqassapput.

Imm. 3. Ilisimatitsissulli Naalakkersuisup pineqartup qinnuteqarneratigut imm. 2 apeqqutaatinnagu Naalakkersuisut ataatsimiinnerini suliarineqarsinnaavoq, ilisimatitsissut sammisanik imattunik imaqassappat:

- 1) oqartussaaffeqarfik allamut attuumassuteqarpal,
- 2) naalakkersuinikkut aalajangiinerit pingarnerit allangnuuteqarnerannik imaqarluni,
- 3) kingusinnerusukkut aalajangiiffigisassatut Naalakkersuisunut saqqummiunneqassappat, imaluunniit
- 4) sammineqartup oqaluusereqqinnejeqarnissaanut isummanik atugassanik pissarsiarnissaq siunertalarugu Naalakkersuisunut oqaluuserineqartussatut soqutiginaateqarpal.

Imm. 4. Sulianut ilisimatitsissutini oqaluuserineqartartuni imarisaannut tunngassuteqartuni aalajangiisoqarneq ajorpoq, aalajangiisoqarsinnaavorli suliaq Naalakkersuisunut isummernissamut tunngavissatut kingorna saqqummiunneqassappat.

Kapitali 5

Imaqarniliat

§ 20. Naalakkersuisuni ataatsimiinnerni imaqarniliat suliami pineqartumi Naalakkersuisut aalajangiiffigisaat taamaallaat oqaatigineqartassapput.

Imm. 2. Naalakkersuisunut ilaasortap Naalakkersuisuni aalajangiineq isumaqataaffiginnngikkuniuk, Naalakkersuisunut ilaasortap pineqartup tamanna naatsumik tunngavilersuutitalerlugu imaqarniliamut allanneqarnissaa piumasarisinnaavaa.

Imm. 3. Naalakkersuisup ataatsip Naalakkersuisut ataatsimiinneranni oqaatsitigut ilisimatitsissuteqarnissani kissaatigissagaluarpagu, taanna kisimi tunngavigineqassaaq, ilisimatitsinerup

nalaani suliami paasissutissanik pingaaruteqartunik saqqummersoqassagaluarpat, imaluunniit Naalakkersuisuni suliarineqartariaqalerluni aalajangersimasumillu Naalakkersuisut taamatut imaqarniliornissamik aalajangiippata.

Imm. 4. Naalakkersuisut Siulittaasuata Naalakkersuisoqarfia Naalakkersuisuni ataatsimeereernerni Naalakkersuisunut ilaasortanut, naalakkersuisut allattaannut, naalakkersuisoqarfinni pisortanut kiisalu qitiusumik allaffeqarfimmi pisortanut imaqarniliamut missingiummik nassiussissaq. Missingiut Naalakkersuisut aalajangiiffigaannik piviusunngortitsisarnissamut tunngaviliisinnaanngilaq. Imaqarniliamik akuerisaasumik suli saqqummersoqanngitsoq aalajangiinerup piviusunngortinnejarnissaa pisariaqartinneqassappat, imaqarniliamut missingiummi takuneqarsinnaasutut, Naalakkersuisup pineqartup aalajangiineq taamatut paasisimassagaa naalakkersuisoqarfiup pineqartup nakkutigissavaa.

Imm. 5. Naalakkersuisut imaqarniliamik akuersissuteqarnerisa kingorna Naalakkersuisut ataatsimiinneranni imaqarniliaq agguanneqassaaq.

Kapitali 6

Isertuussassaq

§ 21. Naalakkersuisut isummernissaannut tunngavissiaq Naalakkersuisunilu ataatsimiinnermit imaqarniliat isertuulluinnarlugit oqaluuserineqartassapput.

Imm. 2. Ilangussat isertuussassaapput, tamanna ilangussani allassimasutut nalunaarneqarsimappat imaluunniit suliap isummernissamut tunngavissiamut ilisimatitsisummulluunniit atassuteqarnera allatigut takuneqarsinnaappat.

Imm. 3. Naalakkersuisunut isummernissamut tunngavissiaq taamaallaat Naalakkersuisuni ilaasortanuinnaq agguanneqarnissaa kissaatigineqarpat, tamanna isummernissamut tunngavissami takuneqarsinnaassaaq. Isummernissamut tunngavissiap taamaallaat Naalakkersuisunut agguanneqarnissaanut tamanna pingaarutilinnik peqquteqartinneqassaaq. Isummernissamut tunngavissiaq inunnut ataasiakkaanut paasissutissanik mianerisariaqartunik imaqarpat, isummernissamut tunngavissiaq Naalakkersuisuni ilaasortanut taamaallaat agguanneqartariaqarpoo.

Imm. 4. Isummernissamut tunngavissiat, takuuk imm. 1, ilangussallu, takuuk imm. 2, paasissutissanik mianernartunik imaqartut, isummernissamut tunngavissiat isumaqatiginninniartarnernut piginnaatitaanermik imaqartut suliassallu assingusut Naalakkersuisunuinnaq kiisalu Naalakkersuisut Siulittaasuata Naalakkersuisoqarfiani allattoqarfimmuit taamaallaat agguanneqassapput.

Isummernissamut tunngavissiat allat aamma naalakkersuisoqarfinni pisortaanernut aamma pisortanut kiisalu qiusumik allaffeqarfimmit naalakkersuisut allattaanut agguanneqassapput, taakkunannga suliassanik tigusisut suliani pineqartuni tamarmik immikkut Naalakkersuisortik siunnersorsinnaassagaat ikiorsinnaassagaallu siunertaralugu.

Kapitali 7

Naalakkersuisunut ilaasortanut oqartussaaffeqarfit

§ 22. Naalakkersuisunut ilaasortat namminneq suliassaqarfimmik iluanni suliani aalajangersimasuni tamani lnatsisartut inatsisaat, landstingip inatsisai imaluunniit landstingip peqqussutai, kiisalu Namminersorlutik Oqartussat nalunaarutaat, imaluunniit allaffissornikkut suleriaatsimut najoqqtassatigut aalajangersakkat naapertorlugit aalajangerneqarsinnaasuni, Naalakkersuisut Siulittaasuata tamatumunnga akuersissuteqarneratigut, aalajangiinissamut piginnaatitaapput.

Imm. 2. Inatsisini aalajangersakkani aalajangersaasoqarsimapput, malittarisassanit immikkut ittumik akuersinissamut Naalakkersuisut periarfissaannut tapiutaasumik, Naalakkersuisunut ilaasortaq suliami aalajangersimasumi nalinginnaasumilluuniit suliani inatsimmut ilaasuni Naalakkersuisut sinnerlugit immikkut akuersissuteqarnermut aalajangiinissamut piginnaatitaavoq.

Imm. 3. Naalakkersuisup nalunaarummit immikkut akuerneqarnissaq pisariaqartikkuniuk, immikkut akuersissuteqarnissamut aalajangersagaq erseqqissumik imaqanngippat, Naalakkersuisoq pineqartoq Naalakkersuisuni aalajangiiffigisassamik immikkut akuersissuteqarnissamik isummernissamut tunngavissiamik saqqummiussissaq.

Imm. 4. Naalakkersuisoq isumaqaruni, suliaq aalajangersimasoq siunissami sulianut taamaattunut aalajangiinissamut immikkut tunngaviusoq pingaaruteqartoq, soorlu assersuutigalugu pissutigalugu immikkut akuersissuteqarsinnaanerup innuttaasunut allanut naleqqiullugu allaffissornermut sunniuteqarsinnaanera imaluunniit suliassaqarfip iluani allaffissornikkut suleriaatsimik nutaamik aalajangersaanissamut pisariaqartitsisoqartutut isigineqarpat, imm. 2 apeqquatainnagu Naalakkersuisunut saqqummiunneqarsinnaavoq. Naalakkersuisunut isummernissamut tunngavissiam taamaattunik pisoqaraangat, tunngaviusumik pingaarutilik pineqarpat, imaluunniit periaatsimik nutaamik aalajangersaanissaq kissaatigineqarpat, siunissami suliat assingusut imm. 2 naapertorlugu suliarineqassapput.

§ 23. Aningaasaliissutinik missingersuutinut sunniuteqanngitsunik kontut pingaernerit pigisallu tuniniarneqarnissaat pillugit inassuteqaatit akornanni nuussinerit pillugit suliat, aningaasaqarnermut inatsimmi oqaasertaliussat naapertorlugin Naalakkersuisut aalajangiiffigisinnaasaminnik peqarpat, tamanna Naalakkersuisunut saqqummiunneqartassanngilaq, suliassaqarfimmili pineqartumi Naalakkersuisumi Aningaasaqarnermut Naalakkersuisumut nassiunneqartassapput.

Imm. 2. Aningaasaqarnermut inatsimmi oqaasertaliussat naapertorlugin inassuteqaatinik aalajangiinissamut Naalakkersuisut sinnerlugit Aningaasaqarnermut Naalakkersuisoq piginnaatinneqarpoq.

Kapitali 8

Inatsisartunut suliat

Sulianik piareersaaneq

§ 24. Inatsisartut Suleriaasianni aalajangersakkat malillugit Inatsisartut ataatsimiinneranni Naalakkersuisut suliariterusutatik Inatsisartut ataatsimiinnerata aallartinnissaa kingusinnerpaamik sapaatip akunnerinik tallimanik sioqqullugu Inatsisartut Siulittaasuannut Naalakkersuisut suliassat tunniutissavaat.

§ 25. Siunnersuut sunaluunniit Naalakkersuisunit imaluunniit Naalakkersuisut Siulittaasuannit akuerineqqaartinnagu Inatsisartut Siulittaasuannut nassiunneqarsinnaanngilaq takuu § 6, imm. 1. Ataatsimiinnernut ullormut oqaluuserisassanut Naalakkersuisunit atortussanut ilanngunneqareersunut taamatut atuuppoq.

Imm. 2. Naalakkersuisut Siulittaasuata Naalakkersuisoqarfia Naalakkersuisunit ullormut oqaluuserisassat akuerineqartut tamakkerlugit nalunaarutiginninnermut allattorsimaffik takussutissartalik Inatsisartut Siulittaasuannut nassiutissavaa. Atortussat Inatsisartuni suliarineqarnissaannut nassiunneqarnissaat, ilusiliussamut piumasarineqartutut atuuttoq naapertorlugu Inatsisartut Allattoqarfiaannut nassiunneri Naalakkersuisut sinnerlugit suliassaqarfifit akisussaaffigaat.

§ 26. Naalakkersuisunut ilaasortat namminneq suliassaqarfimmik iluani Inatsisartut inatsisissaattut siunnersuuit, aalajangiiffigisassatut siunnersuuit nassuaatillu nalunaarutigumasatik pillugit isummernissamut tunngavissianik Inatsisartut ataatsimiilersinnagit Naalakkersuisunut nassiuississapput. Suliat nalunaarutigineqarnerani Naalakkersuisunut inassuteqaatit atortussanik naleqquttunik ilanngussiffingineqassapput.

Imm. 2. Naalakkersuisut Siulittaasuata Naalakkersuisoqarfiata Inatsisartut ataatsimiilinnginneranni sulianik piareersaanermut pilersaarut nassiuttassavaa, Inatsisartunut saqqummiussisoqarnissaa siunertaralugu Naalakkersuisunut saqqummiunneqartussaq.

Inatsisartut inatsisissaattut siunnersuutit

§ 27. Inatsisartut inatsisissaattut siunnersuut Naalakkersuisuni suliarineqalersinnagu inaaruutaasumik siunnersuut Inatsiseqarnermut Immikkoortortaqarfiup inatsisinut periutsit atorlugit misissoqqaassavaa.

Imm. 2. Naalakkersuisoqarfiup suliassaqarfimmut akisussaasup suliassaqarfinnut naalakkersuisoqarfiit Inatsisartullu Allattoqarfiata akornanni sapinngisamik isumaqatigiissuteqarluni Inatsisartut inatsisissaattut siunnersuut aamma Inatsisinut periutsit atorlugit misissuinermut Immikkoortortaqarfimmit Inatsisartut Allattoqarfiat aqqutigalugu misissorneqarnissaa qulakkiissavaa..

Siunnersuutit aningaasaqarnikkut sulisorisatigullu tunngassuteqartunik imaqartinneqartut

§ 28. Aningaasaqarnikkut sulisorisatigullu kinguneqartussamik Naalakkersuisut siunnersummik suliariinnilinnginneranni, Aningaasaqarnermut Naalakkersuisoqarfimmiiit oqaaseqaammik pissarsiniartoqartassaaq.

Imm. 2. Aningaasaqarnermut Naalakkersuisoqarfiup peqqissaartumik misissuinissaa qularnaarniarlugu, Naalakkersuisuni suliarineqarnissaanut piffissaq killiliussaq nallertinnagu kingusinnerpaamik sapaatit akunneri marluk qaangiutsinnagit siunnersummut missingiut Aningaasaqarnermut Naalakkersuisoqarfimmut nassiunneqartassaaq. Naalakkersuisut siulittaasuut taassumaluunniit sinniisia, pissutsit immikkut ittut atuunnerini sapaatit akunneri marluk killissarititaasut sanioqqunnissaanut aalajangiisinnavaoq.

Saqqummiussinermut akissuteqaatinullu allakkat

§ 29. Inatsisartut inatsisissaattut siunnersuutinut saqqummiussisutit akissuteqaatillu, aalajangiiffigisassatut siunnersuutit apeqquteqaatillu aallaavigalugit oqallinnerit Naalakkersuisunit akuersissutigineqassapput.

Imm. 2. Siunnersuut Naalakkersuisut saqqummiussimasaat imaluunniit siullermeerinninnermi aappassaaneerinninnermilu Naalakkersuisunit tapersorsoneqartut, Inatsisartuni amerlanerussuteqartut isumaqatigiissutigisaat siunnersuutillu aappassaaneerinninnissamut pingajussaaneerinninnissamullu ataatsimiitaliamik suliarineqaratik ingerlatseqqinnejartut, aappassaaneerinninnermi pingajussaaneerinninnermilu akissuteqarfingineqartassanngillat.

Imm. 3. Ataatsimiitalianut isumaliutissiissut akerliusqanngitsumik inassuteqaatitalik imaluunniit amerlanerussuteqartut inassuteqaataannik imalik, Naalakkersuisut inassuteqaataannut naapertuuppat, Naalakkersuisuni akuerineqartussatut saqqummiunnagu, Inatsisartuni aappassaaneerneqarnerani pingajussaneerneraniluunniit akissuteqarfingineqarsinnaapput.

Akuersissuteqaatit allakkat

§ 30. Naalakkersuisut Siulittaasuata Naalakkersuisoqarfia naalakkersuisoqarfinnut pineqartunut akuersissummi allakkiaq tunniutissavaa, tamatumani allassimassalluni, Inatsisartuni oqaluuserisassat sorliit Naalakkersuisunut akuersaarneqartutut ingerlanneqartussaq.

Imm. 2. Suliassaqarfimmut Naalakkersuisoqarfia up allagaq akuersissutaasoq atortussat ilanngullugit Inatsisartunut saqqummiussassatut Naalakkersuisut akuerisaat ilanngullugu Inatsisartut Allattoqarfia nnut tunniutissavaa. Inatsisartut Allattoqarfia naalakkersuisoqarfimmil suliassaqarfiusumi suliap pineqartup allagaateqarfiani inissiiffiusumi allakkap akuersissutaasup tiguneqarnera uppernarsaatitalissavaa.

Naalakkersuisunut apeqqutigisatit

§ 31. Inatsisartut Suleriaasiat malillugu Inatsisartunut ilaasortaq § 37 naapertorlugu apeqquteqaammik taaneqartartukkut pisortat oqartussaaffia pillugu paassisutissanik piniarsinnaavoq.

Imm. 2. Apeqquteqaatigineqartut Inatsisartut Allattoqarfia naalakkersuisut Siulittaasuata Allattoqarfianut nassiutissavai, tamatuma kingorna naalakkersuisoqarfimmut attuumassuteqartumut akisasanngorlugu apeqqut ingerlateqqissavaa, akissutigineqartup ilusilersorneranut naalakkersuisoqarfiiit sorliit tusarneqassanersut paassisutissartalerlugu.

Imm. 3. Inatsisartunut ilaasortamit apeqquteqaat saqqummiunneqartumut akissutigineqartoq § 37 naapertorlugu apeqquteqaammut akissutigineqartoq nalinginnaasumik allakkatut ilusilerneqassaaq. Allakkat Naalakkersuisumit suliassaqarfimmut akisussaasumit atsiorneqassapput Inatsisartullu Allattoqarfiaq aqqutigalugu apeqquteqaateqartumut nassiunneqarlutik.

Imm. 4. § 37 naapertorlugu apeqqutinut akissuteqaat sapinngisamik ullut suliffiusut qulit iluanni pisassaaq. Piffissaliussaq tamanna eqqortinnejqarsinnaanngippat, Naalakkersuisumit suliassaqarfimmut akisussaasumit tunngavilersuutitalimmik, sooq piffissaliussaq eqqortinnejqannginneroq, qaqugulu akissuteqaat naatsorsuutigineqarsinnaanersoq apeqquteqartoq allakkatigut nalunaarfigineqassaaq, nuutinneralu Inatsisartut Allattoqarfia nnut.

Inatsisartuni ataatsimiitidianut kiisalu ataatsimiitidianik isumasioqateqartarnermi suliat

§ 32. Suliassat Inatsisartuni ataatsimiitidianukartut, matumani ilanngullugit suliat allat aningaasaliissuteqarnermut suliat eqqaassanngikkaanni Aningaasaqarnermut Akileraartarnermullu Ataatsimiitidianumukartut, Naalakkersuisumit suliassaqarfimmut akisussaasumit pineqartumit ataatsimiitidianumut nassiunneqassapput.

Inatsisartut inatsisaannik atortussanngortitsisarneq

§ 33. Inatsisartut inatsisai atuutilersinniarlugit, Naalakkersuisut Siulittaasuannit atortussanngortinneqassapput.

Imm. 2. Ataatsimiinnerup naammassinerata kingorna Inatsisartut inatsisaannik akuersissutigineqartunik tamanik pappiaranngorlugit elektroniskkinngorlugillu Inatsisartut Allattoqarfia nnit Inatsiseqarnermut immikkoortortaqarfik tigusaqassaaq. Tamanna pisinnagu allangnuutissatut siunnersuutit tulluarsarlugit ilanngunnissai Inatsisartut akuersissutigisimasaat Inatsisartut Allattoqarfia isumagissavaa.

Aningaasanulli inatsisit ilassutitullu aningaasaliinissamut inatsit Aningaasaqarnermut Naalakkersuisoqarfimmuit pissarsiarineqartassapput, Inatsisartut akuersissutigisaannik siunnersuutini

allanngutinik suliaqartartussamit.

Imm. 3. Inatsiseqarnermut Immikkoortortaqaifiup inatsisit akuerineqartut atortussanngortitassat Naalakkersuisut Siulittaasuannut saqqummiutissavai. Atortussanngortitsinerup kingorna Inatsisartut Naalakkersuisullu pillugit Inatsisartut inatsisaat aamma Inatsiseqarnermut immikkoortortaqaarfimmi inatsisinut periutsinut najoqqtassat naapertorluginit nalunaarutiginninnissaq Inatsiseqarnermut immikkoortortaqaifiup isumagissavaa, takuuk § 34.

Kapitali 9

Namminersorlutik Oqartussani malittarisassanik suliaqarnermut najoqqtassat

§ 34. Naalakkersuisut Siulittaasuata Naalakkersuisoqarfiata Namminersorlutik Oqartussani malittarisassanik suliarinnittarnerni nalinginnaasumik najoqqtassanik aalajangersassaaq. Inatsisartut Inatsisissaatut siunnersuutinik nalunaarutinillu suliarinnittarnermi najoqqtassat tamakku malinneqassapput.

Imm. 2. Naalakkersuisut Siulittaasuata Naalakkersuisoqarfia nalunaarutit suliarineqartarnerannut najoqqtassanik aalajangersaasinhaavoq, kingornatigut allanngutinik Inatsisartut inatsisaannut ilangussilluni, taamatut Namminersorlutik Oqartussat inatsisit pillugit nittartagaanni Namminersorlutik Oqartussat malittarisassaat saqqummiussat nutaanik ilallugit ilangunneqarsinnaapput.

Kapitali 10

Atuutilersitsineq

§ 35. Nalunaarut una ulloq 10. november 2017-imi atuutilerpoq.

Imm. 2. Peqatigisaanik atorunnaarsinneqarpuit:

- 1) Naalakkersuisuni, ataqtigiissaarinermut ataatsimiitaliami ataatsimiinnerit pillugit kiisalu § 37 naapertorlugu apeqqutit akissuteqarfingeqartarnerat aamma Inatsisartuni suliassat il. il pillugit Kaajallaasitaq 24. februaari 2017-imeersoq.
- 2) Oqartussaasut sulisorisanut allaffissornikkut akisussaaffi piginnaatitaanerilu pillugit kaajallaasitaq tassungalu tunngasumik ilitsersuutitalik 16. januaari 2015-imeersoq.

Naalakkersuisut Siulittaasuata Naalakkersuisoqarfia ulloq 9.november 2017

Kim Kielsen

/

Søren Hald Møller

Namminersorlutik Oqartussat

Imaneq 4

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut